

Guangjisi Minzcu Bau

ganhhau: CN45-0036 B.2013 Nd.1 Ng.30 liggaeuq nyaemzsaenz nienz ndwenlab cibgouj

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3059期

Yizcouh Si Lai Hangh Cosih Caezcienz Saujsu Minzcu Fuzvu Dijhi

宜州市多措并举完善少数民族服务体系

Bi' gvaq, Yizcouh Si roengzrengz guh hong fuzvu saujsu minzcu, aeu lai hangh cosih doidoengh saujsu minzcu fuzvu dijhi mboujduenh caezcienz, vih saujsu minzcu ginghei nem sevei fazcanj daezhawj ciheiz.

It dwg roengzrengz cauxguh sevei fwnveiz minzcu doxgiet. Laeb-baenz si minzcu doxgiet senhconz gyauyuz hozdung lingjdauj gihgou, cienzmienh gyagiengz lingjdauj nem cazyawj hong minzcu doxgiet senhconz gyauyuz. Aeu "ndwen senhconz minzcu doxgiet cinbu" guh gihvei, gaihcanj soengq gohgi, vwnzva, veiswngh daengz mbanj saujsu minzcu comzyouq haenx.

Ngeih dwg bangfuz doenghboux saujsu minzcu haemq nyieg. Cizgiz yienq minzeij baihgwnz ceng' aeu cienzngaenz cienhangh bangboux hawj doenghboux hagseng saujsu minzcu maenhndei; fat cienzngaenz

bangboux hawj doenghboux hagseng saujsu minzcu ndaw minzcu cunghyoz. Doenggvaq gawjbanh beiz-yinbanh, vatgud ciuiez sinsiz, "giet doih caez guh" daengj cosih, mizyauq dwk coicaenh saujsu minzcu ginzcu ciuiez caiq ciuiez.

Sam dwg henhoh saujsu minzcu habfap gienzleih. Bi' gvaq, gungh vih 23 boux hagseng saujsu minzcu banh gij saeh gaj minzcu cwnghzwn, hawj gyoengqde camgya cunghgauj, gauhgauj ndaej gya faen daezhawj baenghgawq.

Seiq dwg gyavaiq fazcanj mbanj saujsu minzcu comzyouq. Bi' gvaq, Yizcouh Si roengz 16 fanh maenz guekgya saujsu minzcu fazcanj gihginh haenx, youq aen si neix Fuzlungz Yauzcu Yangh Dingmanj Cunh Mbanjgyahbanh guh goeng-loh, seizneix gaenq guhsat lo. Yienghneix, aen si neix doenggvaq

bang gij mbanj saujsu minzcu comzyouq haenx gensez gihcu sezsiz, coicaenh le ginghei sevei fazcanj.

Haj dwg guh ndei hong fuzvu nem guenj doenghboux saujsu minzcu liuzdung haenx. Cujciz gyoengqvunz ndaw segih nem mizgven danhvei daengz dieg doenghboux saujsu minzcu liuzdung comzyouq haenx, liujgaj gij cingzvang gunghcoz nem swngghoz gyoengqde, gibseiz daezhawj yihliuz bangcoengh, coengh banh cancuwng nem giva swngghyuz cwnghmingz, hezdiuz gajgez lwnyeiz haeuj hagdangz vwndiz.

Roek dwg gyagiengz beizyangj nem yungh ganbu saujsu minzcu. Bi' gvaq, aen si neix cujiz bumwnz doi senj 200 lai boux ganbu saujsu minzcu camgya gak gaep gak loih beizyinbanh, hawj gyoengqde ndaej daezsang cunghab suciz.

(Cwngh Siujmeiz)

SIUSIK DINJ

简讯

● 1 nyied 19 hauh, Sanh-gyngangh Duncuz Swciyen youq Linzhil Yangh Mbanjgvansiuq gawjbanh 2013 nienz vwnzva hawj vunz lai souh' ik—mienx feiq soengq doiqcin roengz mbanj hozdung, 20 boux suhfazgyah yienhciegz gaem bit sij saw, soengq 1000 lai fuk doiqcin hawj ginzcu dangdieg.

(Yangz Mingz Gungh Bujganh)

● 1 nyied 22 hauh, Nanzningz Si Minzveij, Nanzningz Si Saujsu Minzcu Lenzyizvei cujiz Nanzningz Si Saujsu Minzcu Lenzyizvei veiyen daengz Sanglinz Yen Cinhih Yauzcu Yangh gaihcanj gohgi, veiswngh, vwnzva roengz mbanj hozdung, fat 200 lai faenh swliu gvendaengz gohgi nem veiswngh haenx nem sij gyawj 250 fuk doiqcin hawj ginzcu mbanj Yauzcu.

(Liuz Yizningz)

● 1 nyied 24 hauh, Bwzswz Si Yougyangh Gvangvugiz dawz 50 fan "denz aishin" moq fathawj Lungzlinz Gak Cuz Swciyen Dwzngoz Yangh 50 hoh ginzcu saujsu minzcu ranz gungzhoj haenx, hawj gyoengqde simraej gvaq doeng.

(Loz Mingzgauj)

● 1 nyied 26 hauh banhaemh, Swcigih Vwnzva Dingh "soengq vwnzva, soengq cihsiz, ciengqgo diuqfoux haeuj yanghcin" vwnzyi vanjvei youq Fuzsuih Yen Gizgiu Cin Laili Cunh gawjhengz, 14 aen cezmu zig ndeiawj haenx hawj vunz lai ndaw cunh yawj dwk sim anq naj riu.

(Liengz Cenzdungh)

● Bi' gvaq, Denhdwngj Yen fat boujdiep hawj 2173 boux dangj cihbu suhgi ndaw mbanj, cunhminz siujcu cujcanj. Gij boujdiep byauhcu dwg: Ndaw mbanj cihbu suhgi moix boux moix ndwen 45 maenz, cunhminz siujcu cujcanj moix boux moix ndwen 35 maenz.

(Vangz Lilanz Vangz Dasin)

Ginhsiu: Banh Dajsiuq Yauzcu Beizyinbanh



金秀:

举办瑶族刺绣培训班

Vih roengzrengz gyagiengz swncienz Siuq Yauzcu cungj dinfwngz ndawbiengz neix, 1 nyied 25 daengz 26 hauh, Ginhsiu Yauzcu Swciyen youq ndaw yienh vwnzva' gvanj Yauzcu Vwnzva Cungsam gawjbanh 2013 nienz daih' it geiz Yauzcu dajsiuq guzgan beizyinbanh, 40 boux Yauzcu dajsiuq guzgan camgya baez beizyin neix. Gyoengq yozyenz youz bouswnjcienz feihvuzciz vwnzva yizcanj Yauzcu dajsiuq hanghmoeg haenx dazyinx, youq gwnz baengz gag daemj haenx dajsiuq, swnhleih dwk guhsat baenz fuk baenz fuk siuq. Ndaw doz dwg beizyin yienhciegz.

(Yiz Siujcungh Bangz Siujvaz)

Dwzbauj Yen Daegsaek Nungzyez Coicaenh Ginzcu Saujsu Minzcu Demsou

德保县特色农业促少数民族群众增收

Bi' gvaq, Dwzbauj Yen hopheux aen muzbyauh nungzyez dem yauyiz, nungzminz demsou, nungz-cunh hoengh onj neix, cungdenj guh ndei dajndaem lwgmak, iengangq, oij, laj faex ciengx gaeq, ndaem byaek seizcou seizdoeng daengj haj yiengh hong hung neix, cizgiz dajcaux aen fazcanj muzbyauh "mbanj miz yiengh he", "lai mbanj miz yiengh he". Bi-gvaq daengx yienh lwgmak menciz

fazcanj daengz 10.2 fanh moux, ndawde makdoengj maenhndei menciz 7 fanh moux; iengangq dajndaem menciz 3 fanh moux, mbawien canjlieng ndaej 5.545 fanh rap, canjci 4654.22 fanh maenz; guhsat ndaem oij menciz 9.44 fanh maenz, guj oijdangz canjlieng 30 fanh dun, guh dangz 3.2 fanh dun; daengx bi gai gaeqnoh 1019.05 fanh duz, canjci 3.48 ik

maenz; guhsat byaek seizcou seizdoeng dajndaem 12.5 fanh moux, canjlieng 20 fanh dun doxhwnj, saedyienh cungcanjci 2.5 ik maenz. Guj daengx bi nungz, linz, muz, yiz canjyez cungcanjci miz 14.61 ik maenz, demhwnj 7% , nungzminz moix boux souhaej cinghseuq laebdaeb 4 bi beij gij vunz ndawsingz vaiq.

(Dwng Gwzswh)